


Biblia alang sa Kabataan motanyag

Gipasidunggan sa Diyos si Jose ang Ulipon



Gisulat ni: Edward Hughes

Gihulagway ni: M. Maillot; Lazarus
Alastair Paterson

Gipahaom ni: M. Maillot; Sarah S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

1

Si Jose sayop nga gibutang
sa bilangoan sa iyang kanhing
agalon nga si Potiphar. Sa
prisohan, si Jose masinugtanon
ug matinabangon. Ang
warden misalig kang Jose
sa pag-organisar
sa kinabuhi sa
bilangoan.
Tungod kay ang
Dios nag-uban
kang Jose, ang
bilangoan
nahimong mas

maayong dapit
alang sa tanan.



2

Ang panadero ug mayordomo sa hari anaa sa bilangoan. usa ka adlaw, si Jose nangutana kanila "Nganong naguol man kamo?"

Mitubag

usab sila kang Jose...

"Walay

makapakita kanamo kung unsa ang kahulogan sa among mga damgo."

3

"Ang Dios makapasabot kaninyo!" Miingon si Jose. Sige, "Isulti kanako ang inyong mga damgo."

4


"Ang imong damgo nagpasabot nga sa tulo ka adlaw mahibalik ka sa pabor ni Haring Paraon," giingnan ni Jose ang Mayordomo. "Hinumdomi ako ug hangyoa ang Paraoh nga buhian ako."

5

Dugang ni Jose ngato sa Mayordomo. Ang damgo sa panadero adunay dili maayong balita. "Mamatay siya sa sulod sa tulo ka adlaw," miingon si Jose. Ug natuman ang duha ka damgo sa panadero ug mayordomo.

6

Sa nadugay, nakalimtan na sa mayordomo si Jose. Hangtod nga, usa ka adlaw niana, nahigmata ang Paraoh ug nabalaka. "Nagdambo ko," mihilak siya. Ug walay usa sa iyang maalamong mga tawo



ang makapasabot kaniya sa kahulogan sa iyang damgo. Unya ang mayordomo nahinumdom kang Jose sa bilangoan. Gisultihan niya si Paraon mahitungod kaniya.

7

Gipatawag dayon ni Paraoh si Jose. Gisultihan ni Jose ang Paraoh kung unsa ang pasabot sa iyang damgo... "Ang imong damgo usa ka mensahe gikan sa Dios. Ang Ehipto adunay pito ka tuig nga kadagaya, unya pito ka tuig sa makalilisang nga gutom."



8

"Pagplano karon sa pagtipig ug pagkaon sulod sa pito ka maayong tuig," tambag ni Jose kang Paraoh, "kay ang imong katawhan mangamatay sa kagutom inig abot sa ting-gutom." "Ang Dios nagauban kanimo," mipahayag si Paraon. "Ikaw ang magdumala sa Ehipto, ikaduha kanako."



9

Miabot ang pito ka tuig nga kadagaya. Unya pito ka tuig nga gutom. Nihit ang pagkaon bisan asa gawas sa Ehipto, diin sila maalamong nagtipig ug dagkong mga suplay sa pagkaon. Sa halayo nga yutang natawhan ni Jose, ang pamilya ni Jacob gigutom.



10


Mga tawo nga gikan pa sa nagkalaing nasod miadto sa Ehipto aron sa pagpalit ug lugas. "Kinahanglan usab nga moadto kamo" mimando si Jacob sa iyang mga anak, "o kita mamatay sa gutom." Pag-abot sa Ehipto, ang mga anak ni Jacob nangandam na sa pagpalit



ug pagkaon.


11

Ang mga anak nga ni Jacob miyukbo atubangan sa halangdong tawo nga nagdumala sa Ehipto. Wala sila makaila kang Jose nga ilang igsoon. Apan si Jose nakaila kanila. Nahinumdom si Joseph sa iyang mga damgo sa pagkabata. Gibayaw siya sa Diyos labaw sa iyang mga igsoon.




12

Maalamon kaayo si Joseph. Mabangis siyang misulti ug iyang gi-bihag ang iyang igsoon na si Simeon. "Pagkuha mo ug pagkaon, pauli na kamu ug balik mo sa imong kamanghoran nga igsoon,"



13

... mimando siya. "Ug unya mahibaw-an nako nga dili kamo mga espiya." Ang mga igsoon naghunahuna nga tingali sila silotan sa Diyos kay tungod sa pagbaligya kang Joseph isip ulipon sulod sa daghang tuig kaniadto.



14

Nangalibog si Jacob ug ang iyang mga anak na lalaki. "Ang atong kwarta kay mibalik ug mga lugas. Ug ang magmamando miingon nga kinahanglan atong dad-on si Benjamin." Wala buhii ni Jacob si Benjamin. Apan ang mga pagkaon nahurot sa wala madugay. Ang mga lalaki na igsoon kinahanglang mobalik sa Ehipto. Miuban kanila



si Benjamin.

15

Sa dihang nakita ni Joseph si Benjamin iyang gisugo ang iyang mga sulugoon sa pag-andam ug dakong kombira. Ang mga igsoong lalaki giimbitar. "Buhi pa ba ang inyong amahan ug maayo pa ba?" nangutana si Joseph. Tingali naghunahuna siya kong unsaon niya pagtigom ang tibuok pamilya.



16


Ganahan usab ni Joseph nga makahibalo kung nagbasol ba gayud ang iyang mga igsoon sa ilang sala sa daghang tuig na ang milabay.



17

Pagkahuman sa bangkete iyang gipasanganlan sila nga nangawat.

"Aron silotan ko kamo, kuhaon ko si Benjamin ingong akong ulipon," miingon si Joseph. "Ginoo ko, ako na lang kinabuhi ang kuhaa puli kang Benjamin," mihangyo si Juda. Nasayud si Joseph nga si Juda,




18

kinsa misugyot nga ibaligya si Jose, tinuod nga nausab.

Kay wala na makatago sa iyang gugma sa iyang pamilya, gipapahawa ni Jose ang tanang Ehiptohanon. Unya misugod na siya sa paghilak. "Ako mao si Jose nga inyong igsoon, nga inyong gibaligya ngadto sa mga Ehipto."


Natingala ug nahadlok, ang mga igsoon walay masulti.




19

Gidasig ni Joseph ang iyang mga igsoon. "Gihimo ako sa Dios nga ginoo sa mga Ehipto aron

maluwas ko ang inyong mga kinabuhi niining kagutom. Lakaw, ug dad-a ang akong amahan. Ako ang maga tan-aw kaninyo."



20




Si Jacob ug si Jose nagkita pag-usab sa Ehipto ug ang tibuok pamilya nagpuyo didto sa kalinaw ug kadagaya.

Gipasidunggan sa Diyos si Jose ang Ulipon
Estorya gikan sa Pulong sa Dios, ang Biblia,
makita sa
Genesis 39-45

“Ang pag-abot sa Imong mga Pulong nagahatag ug kahayag.” Salmo 119:130



Ang Kataposan



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios: Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16